



Naleraq

Nuuk 3.maj 2021 UPA  
2021/8  
Paneeraq Olsen,  
Naleraq

## **2020-imut ilassutitut aningaasaliissutitut Inatsisissatut siunnersuut**

(Aningaasaqarnermut Nunamullu imminermut Naalakkersuisoq)

### **Siullermeenera**

Naleqqaminngaani ilisimavarput missingersuusioraanni aningaasat tamakkiisumik minnerusumilluunniit atorneqarnissaat eqqortikkuminnatsoq, aammalu siorna nunarsuarmioqatigiit tamattaalluta ilimaginngilluinnakkatsinnik nalaanneqarpugut tassalu nappaat corona, COVID19-imik eqqorneqaratta taamaattumillu peqqutaalluni immikkut iliuuseqartoqartariaqarnerani annertuumik ilassutitut aningaasaliinerit ilaatigut pisimapput.

Taammattoq Naleqqamiit oqaatigerusupparput pivusorsiortumik missingersuusioraanni immikkut aningaasaliissutissanik qinnuteqartarnerit minnerpaaffissaaniitinneqarnissaannut missingersuusiornissaannut Naalakkersuisunut kaammattuutigissavarput.

Inatsisartut ilassutissatut aningaasaliissutitut inatsisissaannut siunnersuut 2020-imeersoq Naleqqamiit annertunerusumik oqaaseqarfiginatigu tusaatissatut tiguarpud. Tusaatissatut tiguñera ilutigalugu innersuussutigalutigu siunnersuutip aappassaaneerneqannginnerani Aningaasaqarnermut Akileraartarnermullu Ataatsimiititaliami suliarineqassasoq.